



Paroisse de Lothey
BN2-2-053

KANTIKOU

SANT FIAKR

SANT THEY

P



Kantik Sant Fiakr

Var don : E Sakramant ar Biniñ

DISKAN :

*Autrou Sant Fiakr, hor patron,
Ni ho ped holl, a greiz kalon,
Da c'houlèn ma chomo ar jei
Bepred stard e parrez Lothey.*

Sant Fiakr hor patron karet,
Er zeisved kantved oa ganet.
He dad guir vignon da Zoue
E bro Irland a oa roue.

Ar roue 'lakas he vugel,
'Tre daouarn eun eskop santel,
'Vit deski'n he gompagnunez
Guir lezennou ar zantelezh.

Hed holl amzer he yaouankiz
Fiakr oue divlamm e peb giz ;
Mes, evit dont parfetoc'h c'hoaz,
Kuitât ar bed e c'hoanteas.

Euruz ar re a zalc'h bepred
Ho c'halon distag euz ar bed :
Sur int da blijout da Zoue
Ha da gemer guir hent an Ee.

Ar Zant, en eur guitât he vro,
A zeuas da eskopti Mo,
Hag eno, e kreiz eur c'hoat braz,
Evel eun ermit e vevas.

En honor d'ar Verc'hez Vari
E sav eno eur manac'hti,
Gant eun ti all en he gichen
Da reseo an estranjourien.

Daoust ma veve 'n eul lec'h distro
Kalz tud a veze var he dro :
Lod a zeue da glask yec'hed,
Lod all skouerieu a barfeted.

Sant gallouduz, c'houi a bare
Gouliou ar c'horf hag an ene.
Dre zour ho feunteun veniget,
Ra vezimp eta diboniet.

Eur jardin vraz e laboure
Hag ennh, gant bennoz Doue,
Ato e kave peadra
Da roi sikour d'an dud paour.

Dre al labour hag ar beden,
Ha dre ar rusta piniñ.
Bemde ar Zant a zastume
Meritou kaer evit an Ee.

Eun deiz oue kinniget d'ar Zant
Beza roue var an Irland ;
Guelloc'h e kavas chom kuzet
El lec'h distro hen doa choazet.

Goude eur vue ken santel,
Pa zeuas Doue d'he c'hervel,
He ene leun a veritou
Var ehun a zavas d'an envou.

O Sant Fiakr, pa vimp, d'hon tro,
Skoët ive gant ar maro,
Grit ma helfomp, gant ho skoazel,
Kaout eur maro mad ha santel.

Kantik Sant They

Var don : Pegen kaer ez eo Mamm Jezuz

DISKAN :

*Autrou Sant They, ermit santel,
Ni a esper, gant ho skoazel,
Chom da Zoue bepred fidel.*

En hor parrez, pellik amzer,
Hen deuz bevet hor patron ker.
Henor dispar 'vit hor c'harter !

Sant They hen deuz poaniet ama,
Evit gloar Doue da genta,
Dalc'homp da ober memez tra.

'Vit he nessa, e pep mare,
Sant They hen deuz poaniet ive :
Kaera kentel d'he vugale !

Tremenet zo meur a gantved,
Abaoue ma zeo henoret
En iliz oue dezhan savet.

En he iliz, nag a c'hrassou
A zo, dre nerz he bedennou,
Diskennet var an eneo !

Autrou Sant They, 'baoue pell zo,
E toug hor parrez hoc'h hano.
Varnhi eta beillit ato !

Sant They, ho feunteun veniget,
Evel en amzer dremenet,
A veler c'hoaz darempredet.

Plijet goulén digant Doue,
'Vidomp-ni holl ho pugale,
Yec'hed ar c'horf hag an ene.

Ha, pa zeui hon heur divea,
O abenn neuze dreist pep tra,
Deut, ni ho ped, d'hor c'hennnerza.

IMPRIMATUR :

Quimper, le 12 Août 1909.

E. FLÉITER.